

## Croeso i'r ysgol

Annwyl Rieni,

Carwn fanteisio ar y cyfle hwn i rannu hefo chi ein llawlyfr diweddaraf ar gyfer Ysgol Croes Atti, a'm gobaith yw y bydd eich perthynas a'r Ysgol, drwy eich plant, yn brofiad hapus a gwerthfawr. Yn y llawlyfr cewch wybodaeth am Ysgol Croes Atti y Fflint ac hefyd ein hysgol newydd sef Ysgol Croes Atti Glannau Dyfrdwy, ei diben a'i hamcanion, ei chwricwlwm, polisiau ac amryw weithgareddau. Cyflwynaf ef i chwi gan hyderu y bydd yn ganllaw defnyddiol.

Ysgol Gynradd Gymraeg o dan nawdd yr Awdurdod Addysg Lleol yw Ysgol Croes Atti, sydd yn darparu addysg gyfrwng y Gymraeg ar hyn o bryd ar gyfer tua 200 o ddisgyblion o 3 hyd 11 oed ar safle y Fflint, a 42 o ddisgyblion o 3 hyd 8 oed ar safle Glannau Dyfrdwy.

Yr ydym yn falch ein bod yn trosglwyddo disgyblion 11 oed i Ysgol Maes Garmon, yr ysgol Uwchradd Gymraeg leol yn yr Wyddgrug. Gwelwn hyn fel parhad yn natblygiad ieithyddol ein disgyblion ac mae cydberthynas glos, adeiladol yn bodoli rhwng y ddwy ysgol. Mantais fawr mewn bywyd yw cael rhugldeb dwyieithrwydd ac ymfalchiwn ein bod yn medru darparu addysg naturiol Gymreig o 3oed hyd at 18oed drwy ein perthynas ag Ysgol Maes Garmon.

*"Mae Ysgol Maes Garmon yn gartref addysgol i tua 500 o ddisgyblion o bob gallu rhwng 11 a 18 oed. Mewn awyrgylch gartrefol a theuluol, bydd ein disgyblion yn dilyn cwricwlwm eang, cytbwys a diddorol sy'n berthnasol i'w datblygiad academaidd, galwedigaethol a chymdeithasol. Yn ogystal â nifer helaeth o weithgareddau allgyrsiol, mae traddodiad ym Maes Garmon o ofalu'n dda am ein disgyblion. Mae'n disgwyladau ni yn uchel ac mae'n disgyblion yn ymateb yn gadarnhaol i hynny o ran safon eu gwaith, ymddygiad, hunan-ddisgyblaeth a hunan-hyder.*

*Ein bwriad yn Ysgol Maes Garmon yw cynnig y gorau i bob disgybl trwy*

- ddarparu addysg o'r ansawdd gorau posib*
- sicrhau'r safonau uchaf i bob disgybl*
- ddarparu ystod eang o brofiadau*
- sicrhau hinsawdd Gymreig a Chymraeg*
- baratoi pob unigolyn i wireddu ei botensial/ei photensial*
- baratoi pob unigolyn i fod yn aelod llawn o gymdeithas ddwyieithog"*

*Bronwen Hughes*

*Pennaeth Ysgol Maes Garmon*

Mae perthynas glos hefyd yn bodoli rhyngddom ni a'r Cylchoedd Meithrin Lleol, sef yr un ar safle y Fflint, yr un ar safle Glannau Dyfrdwy, a'r un yn Garden City.

Bydd croeso i chwi sy'n rieni, neu'r rhai ohonoch sy'n ystyried anfon eich plant i Ysgol Croes Atti, ddod i ymweld â ni unrhyw bryd. Cysylltwch a'r swyddfa i wneud trefniadau.

Yn olaf, carwn nodi fod y wybodaeth yn y Llawlyfr hwn yn gywir adeg ei gyhoeddi. Fodd bynnag, nid yw hynny'n golygu na bydd newidiadau yn y manylion yn ystod y flwyddyn neu mewn blynyddoedd i ddod.

Mr Gwyn Jones  
Pennaeth Ysgol  
Mehefin 2018

YSGOL CROES ATTI FLINT  
FFORDD GAER,  
FLINT, CH6 5DU  
01352 733335

YSGOL CROES ATTI GLANNAU DYFRDWY  
STRYD PLYMOUTH,  
SHOTTON, CH5 1JD  
01352 733335

### Tîm Arwain yr Ysgol

Pennaeth  
Dirprwy Bennaeth

Mr Gwyn Jones  
Mrs Llinos Mével

Ysgrifennyddes

Mrs Christine Sargeant

Prif Swyddog  
Dysgu a Chyflawniad

Mrs Claire Homard  
Neuadd y Sir  
Yr Wyddgrug

Cadeirydd y Llywodraethwyr

Mrs Sarah Bailey  
d/o Ysgol Croes Atti

## TREFNIANT YR YSGOL

### **Dosbarthiadau**

Ar gyfer Mis Medi 2018 dyma sut byddwn yn cynnal y dosbarthiadau:

### **Glannau Dyfrdwy**

Mrs Gwyneth Roberts

Athrawes Meithrin/Derbyn

Mrs Mari Salisbury

Athrawes BI1/2/3/Arweinydd Cs/Athrawes mewn gofal

Mrs Rachael Frances Smith

Athrawes BI3/BI6 un diwrnod yn Fflint

### **Staff Cynorthwyol**

Miss Emma Thomas

Mrs Catrin Jones

Mrs Beth Williams

Miss Emily Beech

### **Fflint**

Miss Ellen Jones

Athrawes Meithrin/CyAAY

Mrs Rhian Harrison

Athrawes Derbyn

Miss Zoe Eagles

Athrawes BI1

Miss Ffion Bailey

Athrawes BI2

Mrs Lliwen Ashford

Athrawes BI3/BI4

Mrs Llinos Mevél

Athrawes BI3/BI4

Mr Ben Elias

Athro BI5/Arweinydd Ca2

Mrs Delyth Rogers

Athrawes BI6 pedwar diwrnod

### **Staff Cynorthwyol**

Miss Shelley Beckett

Miss Ceri Owen

Mrs Gail Roberts

Mrs Catrin Jones

Miss Carrie Davies

Mrs Beth Inskip

Mrs Beth Williams

Mrs Sian Williams

Mrs Beth Ballantyne

Mrs Efrys Crowther

Mrs Ann Reay

### **Tim Cefnogi**

Mrs Christine Sargeant

Ysgrifenyddes y ddau safle

Mrs Efrys Crowther

Clerc

Mrs Paula Hughes

Cogyddes

Mrs Carol Pickin

Cymhorthydd Cegin

Mrs Gwenda Parry

Goruwchwyliwr Amser Cinio

Mrs Lisa Morris

Goruwchwyliwr Amser Cinio

Mrs Emma Hawke

Goruwchwyliwr Amser Cinio

Mrs Alison Dixon

Goruwchwyliwr Amser Cinio

Mrs Tina Millington

Swyddog Croesi Ffordd Fflint

Mr Carl Rimmer

Gofalwr Fflint

Mrs Colette Duffield

Glanhawraig Fflint

Mr Allan Cole

Glanhawr Fflint

Mr Eifion Perkins

Gofalwr Glannau Dyfrdwy

Mrs Nicola Weir

Glanhawriag Glannau Dyfrdwy

Pauline Oldfield

Goruwchwyliwr Amser Cinio Glannau Dyfrdwy

## Amseroedd y Dydd / School Times

### Meithrin

8:55-11:30 y bore

### Cyfnod Sylfaen

8.55 - 10.30

10.45 - 11:55

1:05 - 3.10

### Adran Iau

8:55 - 10.30

10.45 - 12:05

1.05 - 3:15

Mae gan y Dosbarth Meithrin eu mynedfa eu hunain.

Dylai bob disgybl arall fynd i'r buarth lle bydd athrawon i gymryd cyfrifoldeb amdanynt o 8.40. Ni fydd yr ysgol yn gyfrifol am blant sydd ar y buarth cyn yr amser yma. Dylai unrhyw blentyn sydd yn cyrraedd yr ysgol yn hwyr ddod at y Brif Fynedfa.

### Derbyniadau

Dylai pob rhiant sy'n dymuno gwneud cais am fynediad i'w plentyn neu blant gysylltu a'r ysgol gan wneud cais i siarad gyda'r Pennaeth. Estynnwn groeso cynnes i chi ymweld a'r ysgol mwyn gofyn unrhyw gwestiynau ac i'r ysgol esbonio ymhellach y trefniadau derbyn, ac hefyd i roi cyfle i bawb edrych o gwmpas yr ysgol.

### Dechrau ysgol

Cynhelir noson agored yn nhymor yr Haf i rieni'r plant hynny sy'n cael eu derbyn fis Medi i'r Dosbarth Meithrin. Gall blant gychwyn gyda ni yn yr ysgol (rhan amser yn unig) y mis Medi ar ol eu trydydd penblwydd h.y. bydd plant Meithrin Medi 2018 wedi cael eu geni rhwng Medi 1af 2014 ac Awst 31 2015.

### Ffurflenni Gwybodaeth

Rhoddir ffurflenni gwybodaeth i bob teulu. Mae'n bwysig iawn bod y ffurflenni yma'n cael eu llenwi, a'u diweddarau, yn arbennig y rhan sy'n rhoi rhif ffôn brys i ni fedru cysylltu â rhieni neu ofalwr mewn argyfwng. Os ydych yn newid cyfeiriad neu eich rhif ffôn gadewch i'r ysgol gael y manylion heb oedi os gwelwch yn dda.

## Amcanion a dibenion ysgol

Prif ddiben Ysgol Croes Atti yw addysgu drwy gyfrwng y Gymraeg. Gwneir hyn mewn awyrgylch sensitif, gofalus a hapus lle bydd pob plentyn yn cael ei werthfawrogi a lle gall feithrin y galluoedd hynny a fo'n addas i'w ddatblygiad.

Ynglwm a'r diben cynhwysfawr hon mae gan yr ysgol amcanion penodol:

- Gosod y safonau uchaf posib ac addysg effeithiol o fewn cwricwlwm cytbwys ar gyfer disgyblion o bob gallu a helpu pob plentyn i gyrraedd y targedau a osodir iddynt.
- Meithrin ymdeimlad o berthyn a phopeth sy'n gysylltiedig â hynny:- hunan barch at eraill. Hunan hyder, hunanfyngiant a hunan ddisgyblaeth.
- Meithrin y syniad o gymdeithas syn ffynnu er mwyn pawb - cydweithio, cyd-chwarae, cydymdeimlo, cyd ddeall a chytuno.
- Gofalu am bob disgybl unigol ac ymroi i'w ddatblygiad llawn gan ofalu bod hynny'n cynnwys ei dwf personol, corfforol, cymdeithasol, deallusol a moesol.
- Annog pob plentyn i wneud y gorau o'i gryfderau a'i ddoniau ac i allu ymdopi a'i wendidau.
- Meithrin hyder wrth ddefnyddio'r Gymraeg a'r Saesneg i gyfathrebu, deall, gwneud synnwyr a darllen, a hynny wrth gwmpasu gofynion eang cwricwlwm ysgol a'r byd o'n cwmpas.
- Meithrin cymdeithas sy'n rhoi cyfle cyfartal i bawb.
- Meithrin balchder o berthyn i'r ysgol.

## Y Cwricwlwm, trefniadaeth yr addysgu a'r dulliau addysgu

Mae rhaglenni gwaith yr ysgol yn anelu i gyflawni gofynion y Cwricwlwm Cenedlaethol. Gweithredu'r ein rhaglenni gwaith yn bennaf drwy destunau trawsgwricwlaidd a thematig. Fe gynllunnir y rhaglenni gwaith gan yr athrawon fel tîm er mwyn sicrhau cydbwysedd, dilyniant a chynnydd. Mae'n dulliau dysgu yn cynnwys dysgu dosbarth, gwaith grŵp, dysgu tîm a dysgu unigolion.

Byddwn yn anelu at gyflwyno cwricwlwm eang a chytbwys a fydd yn cynnwys gorchmynion y Cwricwlwm Cenedlaethol a'r Cyfnod Sylfaen.

Yn fras y mae hyn yn golygu bod plant yn derbyn addysg sy'n rhoi blaenoriaeth i:-

**Iaith**  
**Gwyddoniaeth**  
**Mathemateg**  
**Technoleg Gwybodaeth**

Ond sydd hefyd yn cynnwys agweddau:-

<b>Hanes</b>	<b>Daearyddiaeth</b>
<b>Dylunio a Thechnoleg</b>	<b>Celf</b>
<b>Addysg Gorfforol</b>	
<b>Cerddoriaeth</b>	
<b>Addysg Personol a Chymdeithasol</b>	

Ac wrth gwrs, elfennau na ellir eu dosbarthu yn ôl pynciau:-

### **Y Cwricwlwm Cymreig**

#### **Addysg Grefyddol**

Mae Addysg Grefyddol yn rhan o'r cwricwlwm i'r holl ddisgyblion. Dylai rhieni sydd am eithro eu plant o wersi Addysg Grefyddol neu wasanaethau crefyddol/gweddiâu dyddiol adael i'r ysgol wybod trwy lythyr.

#### **Defnyddio'r Gymraeg**

Gan ein bod yn ysgol Gymraeg penodedig, y Gymraeg yw iaith swyddogol yr ysgol ac fe'i defnyddir ym mhob agwedd o'r cwricwlwm. Y Gymraeg yw prif gyfrwng bywyd a gwaith y Cyfnod Sylfaen er mwyn i'r plant gael sylfaen gadarn i'r iaith. Cymraeg yw prif gyfrwng bywyd a gwaith yr adran iau a dechreuir cyflwyno'r Saesneg yng Nghyfnod Allweddol 2 er mwyn sicrhau eu bod yn cael cyfle i ddatblygu'n gwbl ddwyieithog erbyn gadael yr ysgol yn 11oed.

#### **Asesu**

Bydd cynnydd y plant yn cael ei asesu'n barhaol gan yr athrawon. Bydd yr asesiadau hyn yn gymorth i athrawon wrth gynllunio rhaglenni i'r plant yn ogystal â bod yn ddefnyddiol wrth adrodd yn ôl i rieni.

## **Y Drefn ynglŷn â chwynion / ymgynghori**

Bydd y Pennaeth neu'r Dirprwy Bennaeth yn fodlon trafod gyda rhieni unrhyw gwynion / bwyntiau a allai ddeillio o unrhyw un o bolisiau'r ysgol neu rai sydd yn ymwneud a'r cwricwlwm. Credwn yn gryf bod angen gwrando ar lais y cwsmer er mwyn ini ymateb yn gyflym ac yn adeiladol i unrhyw gwynion, felly da chi, cofiwch gysylltu yn fuan!

O dan adran 23 Deddf Diwygio Addysg 1988 gall rhieni gyflwyno sylwadau ffurfiol ynglŷn â'r cwricwlwm neu unrhyw fater cysylltiedig trwy gysylltu'n ysgrifenedig gyda'r ysgol ac yna gyda'r corff llywodraethol trwy'r Cadeirydd (cyfeiriad yr ysgol) a / neu'r Awdurdod Addysg Leol.

## **Gwisg Ysgol**

Y wisg yw: Trowsus llwyd/du (hir neu byr), crys polo coch, siwmpwr/cardigan wyrdd, sgert lwyd, ac esgidiau du. Gellir archebu'r dillad o Forresters Sports yn yr Wyddgrug neu Tesco arlein. Sicrhewch bod enw eich plentyn yn glir ar bob dilledyn os gwelwch yn dda!

## **Addysg Gorfforol**

Disgwylir i'r plant gymryd rhan ym mhob agwedd o Addysg Gorfforol heblaw pan fo rhesymau meddygol dros beidio. Disgwylir i'r plant ddod a dillad newid ac esgidiau pwrpasol ar gyfer gwersi Addysg Gorfforol - siorts du a chrys t gwyn a phympiau. Mae croeso i'r plant gadw eu gwisg yn yr ysgol rhag ofn iddynt anghofio!

## **Addysg Rhyw**

Bydd elfennau o Addysg Rhyw yn cael eu trafod fel rhan o wersi Gwyddoniaeth ac fel rhan o Addysg Bersonol a Chymdeithasol.

Fe drafodir elfennau o Addysg Rhyw mewn peth fanylder tuag at ddiwedd Bl6, dan arweiniad athrawes arbennigol.

Cysylltwch a'r ysgol os nad ydych eisiau i'ch plentyn fod yn rhan o'r trafodaethau hyn.

## **Anghenion Dysgu Ychwanegol (AAY)**

Un o amcanion yr ysgol yw gosod y safonau uchaf posib o addysg effeithiol o fewn cwricwlwm cytbwys ar gyfer disgyblion o bob gallu. Mae'r amcan yma yn berthnasol i'r disgyblion mwyaf galluog a'r disgyblion gydag anawsterau dysgu.

Mae gan ddisgyblion gydag anghenion ychwanegol rywbeth positif i gynnig i'r ysgol a'r gymdeithas ac anogir hwy i wneud hynny. Pan ystyrir hynny'n angenrheidiol, rhoddir cymorth ychwanegol i ddisgyblion, naill ai mewn dosbarth yn cynnwys athro arall, neu trwy gefnogaeth Gymhorthydd Dysgu.

## **Polisi Cyfle Cyfartal**

Mae polisi Cyfle Cyfartal yr ysgol yn nodi ymrwymiad Ysgol Croes Atti i drin pob unigolyn yn gyfartal beth bynnag bo'i gallu, cefndir, hil neu ryw.

## **Gofal Bugeiliol**

Mae gofal bugeiliol y plant yn nwylo'r athrawon dosbarth ac mae pob un aelod o'r staff a'r Pennaeth yn gyfrifol am ddiogelwch plant yn yr ysgol. Mae staff bugeiliol ar gael i ymateb i anghenion emosiynol disgyblion a'u rhieni pan fydd angen.

## **Disgyblaeth**

Disgwylir safonau uchel o ymddygiad yn Ysgol Croes Atti. Mae polisi Disgyblaeth gan yr ysgol, a set o ganllawiau i rieni sy'n cael eu dosbarthu yn rheolaidd. Gwahodddwn rieni sy'n pryderu am unrhyw agwedd ar ddisgyblaeth i gysylltu â ni yn syth.

## **Gwaith Cartref**

Fe anogir y plant i wneud gwaith cartref. Pwysleisiwn mai partneriaeth sydd yn bwysig i addysg eich plentyn felly ceisiwch greu amser rheolaidd i drafod gwaith gyda eich plentyn. Gosodir y gwaith yn ôl oedran ac anghenion y plentyn.

## **Ymweliadau**

Gofynnir i rieni lenwi ffurflen bennodol ar gychwyn gyrfa'r plentyn yn yr ysgol. Mae hyn yn rhoi caniatâd i'r plentyn fynd ar ymweliadau cyfagos i gyfoethogi gwaith y dosbarth, neu ar gyfer digwyddiadau fel gwersi nofio neu chwaraeon cystadleuol. Ar gyfer ymweliadau pellach, mwy achlysurol neu ymweliadau preswyl, gofynnir am ganiatâd pellach gan rieni.

## **Codi tâl am weithgareddau'r ysgol**

O bryd i'w gilydd yn ystod y flwyddyn ysgol fe wahoddir rhieni i wneud cyfraniadau i alluogi'r ysgol gynnal rhai gweithgareddau, e.e. gwersi nofio a gymnasteg, ymweliadau addysgol neu gynyrchiadau theatrig yn yr ysgol.

## **Ymwelwyr i'r ysgol**

Yn aml iawn rydym yn gwahodd amrywiaeth o wahanol bobl i'r ysgol i weithio gyda'r plant.

## **Cinio Ysgol**

Mae ein cogyddes, Anti Paula, yn darparu cinio ysgol blasus gydag amrywiaeth o ddewis i'r plant. Mae bwyd iachus yn cael ei baratoi yn ogystal â bwyd llysieuol.



Mae cinio ar gyfer disgyblion Glannau Dyfrdwy yn cael ei baratoi gan gegin Ysgol Ty Ffynnon ac yn cael ei gludo yn unswydd i'r ysgol.

Gellir hawlio cinio am ddim trwy wneud cais ar ffurflen sydd ar gael arlein. Gall y plant sy'n dymuno hynny ddod â phecyn bwyd eu hunain i'r ysgol, ond gofynnwn yn garedig i chi ystyried bwydlen sydd yn iach a dim cynwysyddion na photeli gwydr.

### **Clwb Brecwast / Clwb ar ôl Ysgol**

Mae gan yr ysgol glwb brecwast yn ein hysgol yn y Fflint o 8:00-8:30. Mae tal i ddod i'r Clwb Brecwast yma.

Mae Clwb brecwast am ddim yn y Fflint ac yng Nglannau Dyfrdwy, o 8:30-8:50.

Mae clwb ar ôl ysgol ar agor o 3:15 o'r gloch hyd at 5:30 yn ein hysgol yn y Fflint. Cysylltwch â'r ysgol am wybodaeth pellach parthed amseroedd, ffurflenni cofrestru, a chostau ayyb.

### **Absenoldebau'r plant o'r ysgol**

Gall absenoldeb o'r ysgol fod yn awdurdodedig neu'n ddi-awdurdodedig. Fe gofnodir absenoldebau di-awdurdodedig ar adroddiad blynyddol y plentyn. Er mwyn sicrhau fod absenoldebau eich plentyn yn awdurdodedig a wnewch chi nodi'r pwyntiau canlynol.

- Dylid esbonio pob absenoldeb gyda nodyn neu trwy alwad ffôn neu neges bersonol.
- Ni ellir derbyn pob rheswm fel achos teilwng dros fod yn absennol.e.e. mynd i siopa neu barti pen-blwydd.
- Cofnodir achosion o fod yn hwyr yn barhaus fel absenoldebau diawdurdod.
- Os ydy plentyn yn absennol o ganlyniad i salwch heintus dylid hysbysu'r ysgol mor fuan â phosib.
- Os nad yw eich plentyn yn teimlo'n dda ar fore ysgol ni ddylid ei anfon i'r ysgol.
- Pan fydd cyfradd presenoldeb disgybl yn peri pryder, byddwn yn cyfeirio'r mater at Dîm Swyddogion Lles yr Awdurdod Lleol

Cyfanswm presenoldeb ar gyfer Medi 1af 2017 hyd at Mehefin 18fed 2018 oedd 95.1%.

## Diogelwch

### **Iechyd**

Mae'n hanfodol bwysig fod gwybodaeth a manylion meddygol am blentyn yn hysbys i'r ysgol, a hynny yn ysgrifenedig ar y ffurflenni mynediad ar ddechrau gyrfa'r plentyn yn yr ysgol. Dylid rhoi gwybodaeth trwy lythyr am unrhyw gyflwr sy'n datblygu wedi i'r plentyn gychwyn ysgol.

### **Trefniadau ar gyfer Iechyd a Diogelwch Staff a Disgyblion**

Mae Is-bwyllgor Iechyd a Diogelwch y Bwrdd Llywodraethol yn cyfarfod yn rheolaidd gyda'r Pennaeth a Swyddog Iechyd a Diogelwch y staff. Mr Gwyn Jones yw'r Person Dynodedig ar gyfer Diogelwch Plant, yn ogystal â Mrs Llinos Mevel a Miss Shelley Beckett.

### **Moddion**

Os yw eich plentyn yn cymryd moddion at unrhyw anhwylder gofynnir i rieni sicrhau fod y moddion yn cael ei gymryd y tu allan i oriau ysgol. Nid yw rhoi moddion i blant yn rhan o ddyletswyddau staff dysgu na staff cynorthwyol yr ysgol. Eithriadau i hyn fydd plant sy'n dioddef o anhwylderau tymor hir fel Asthma neu Ddiabetes. Os yw'n angenrheidiol i blentyn gael 'inhaler' yn yr ysgol yna dylid gadael i'r Pennaeth wybod trwy lythyr.

### **Tlysau a Gemwaith**

Nid ydym yn cymeradwyo gwisgo gemwaith o unrhyw fath. Gwaherddir gwisgo clustdlysau crog gan y gallant fod yn beryglus yn ystod gwersi Addysg Gorfforol ac amser chwarae. Ni fydd yr ysgol yn derbyn cyfrifoldeb am unrhyw eitem o'r math yma a gollir yn yr ysgol, na chwaith am niwed corfforol sy'n digwydd i blentyn.

### **Diogelwch Plant**

O safbwynt diogelwch, os yw plentyn yn gorfod gadael yr ysgol yn ystod oriau ysgol am unrhyw reswm, rhaid dweud yn union pa oedolyn fydd yn dod i gasglu'r plenty. Ni chaniateir i blentyn adael safle'r ysgol heb gwmni oedolyn sy'n hysbys i staff yr ysgol.

### **Tywydd Garw**

Gwnei'r pob ymdrech i gadw'r ysgol ar agor. Petai angen anfon y plant gartref yn gynnwys mewn achosion arbennig fel tywydd garw, byddwn yn cysylltu â chi yn gyntaf. Mewn argyfwng, hysbysir Radio Cymru, Heart FM a gwefan y Sir petai'r ysgol ar gau.

## Gwybodaeth bellach

### **Cysylltiadau gyda rhieni**

Bydd y rhieni yn derbyn gwybodaeth reolaidd am holl weithgareddau'r ysgol trwy lythyrau a ddsberthir i'r plant. Rydym yn barod i drafod gyda rhieni unrhyw fater sy'n ymwneud ag addysg eu plant a hynny drwy wneud apwyntiad i weld athro/athrawes. Estynnir gwahoddiad ffurfiol i rieni ddod i drafod gwaith eu plant tair gwaith y flwyddyn. Rhoddir adroddiad ysgrifenedig ffurfiol ar gynnydd y plant i'r rhieni ar ddiwedd y flwyddyn ysgol.

### **Cymdeithas Rhieni a Ffrindiau'r Ysgol**

Mae cnewyllyn gweithgar iawn o rieni yn trefnu rhaglen o weithgareddau sy'n codi arian i alluogi'r ysgol i brynu adnoddau angenrheidiol. Yr ydym yn ddiolchgar iawn i'r bobl hyn, ac mae croeso bob amser i rieni newydd ymuno a'r criw sy'n helpu gyda'r gweithgareddau

### **Nodyn Preifatrwydd Ysgol Croes Atti**

Mae'r Ysgol wedi ymrwmo i warchod preifatrwydd unigolion a diogelwch eich gwybodaeth bersonol.

Fel rhan o'n gweithgareddau pob dydd, mae'r Ysgol yn prosesu data personol. Y Pennaeth yw'r rheolwr data, ac yn gyfrifol am eich data personol. Mae'r Ysgol wedi ymrwmo i sicrhau diogelwch eich data a phrosesu teg ohono.

I'r perwyl hwn, mae'r Ysgol yn cofrestru yn flynyddol gyda Swyddfa'r Comisiynydd Gwybodaeth (SCG) (Information Commissioner's Office (ICO)) fel 'rheolwr data'.

Mae'r Ysgol wedi penodi 'Pencampwr Data' sef unigolyn o fewn y sefydliad sydd â chyfrifoldeb am ddiogelwch data. Os ydych am ymarfer unrhyw un o'ch hawliau, yn unol â'r Rheoliadau Gwarchod Data Cyffredinol (GDPR), cysylltwch gyda Pencampwr Data'r Ysgol gan ddefnyddio manylion cyswllt arferol yr ysgol.

Diweddarwyd y nodyn preifatrwydd hwn ar y 24ain Mai 2018, ac fe fydd yn cael ei ddiweddarau o dro i dro, yn enwedig os oes angen cydymffurfio gydag unrhyw newidiadau deddfwriaethol.

Fe fydd y fersiwn diweddaraf yn cael ei osod ar wefan yr Ysgol;

<http://www.ysgolcroesatti.co.uk>. Bydd angen ymweld â'r wefan yn rheolaidd i weld y fersiwn diweddaraf.

Mae'n bwysig bod y manylion y mae'r Ysgol yn cadw amdanoch chi, neu eich plentyn, yn gywir ac yn gyfredol. Felly, a wnewch chi sicrhau eich bod yn rhoi gwybod i ni am unrhyw newidiadau i'ch data personol yn ystod yr amser rydych yn defnyddio gwasanaethau'r Ysgol neu yn gweithio gyda ni mewn unrhyw ffordd.

## **Eich hawliau o dan y Gyfraith Diogelu Data**

Dyma eich hawliau parthed unrhyw ddata personol a all gael ei gasglu gan yr Ysgol:

1. i gael gwybod (am eu hawliau ac am y ffaith bod eu data yn cael ei brosesu).
2. i gael mynediad at y data personol rydych yn ei gasglu. (Cais Mynediad at Ddata / Subject Access Request).
3. i gywiro'r wybodaeth bersonol rydych yn ei gadw.
4. i ddileu'r wybodaeth bersonol rydych yn ei gadw.
5. i gyfyngu prosesu'r wybodaeth bersonol rydych yn ei gadw.
6. i hygludedd ('portability') data (e.e. i symud eu data o un sefydliad i un arall)
7. i wrthwynebu i chi casglu neu brosesu'r wybodaeth bersonol.
8. mewn perthynas â defnyddio'r data personol i wneud penderfyniadau awtomataidd.

Ar y pwynt lle cesglir eich data, fe fyddwch yn cael gwybod sut y bydd yn cael ei ddefnyddio. Ceir y manylion hyn yn y nodyn preifatrwydd hwn hefyd. Rydym yn gwneud pob ymdrech i sicrhau bod eich data personol yn gywir ac yn gyfredol. Fe allwch ofyn i ni gywiro neu ddileu unrhyw wybodaeth rydych yn meddwl sy'n anghywir.

Os ydych am ymarfer unrhyw un o'ch hawliau, neu hoffech dderbyn copi o beth neu holl eich data personol a gedwir gan r Ysgol, cysylltwch gyda Pencampwr Data'r Ysgol.

Heb ragfarnu unrhyw atebion gweinyddol neu farnwrol arall a allai fod gennych, mae gennych yr hawl i gyflwyno cynw i Swyddfa Comisiynydd Gwybodaeth y DU os ydych o'r farn ein bod wedi torri'r cyfreithiau preifatrwydd data perthnasol wrth brosesu eich data personol.

Mae rhagor o wybodaeth ar gael gan Swyddfa'r Comisiynydd Gwybodaeth:

Wycliffe House

Water Lane

Wilmslow

Cheshire

SK9 5AF [www.ico.org.uk](http://www.ico.org.uk)

01625 545 745 neu 0303 123 1113

## **Diogelwch eich data**

Yn unol â'r gyfraith Diogelu Data rydym yn cynnal systemau sefydliadol a thechnolegol priodol i'n galluogi ni i ddiogelu'ch data personol, yn cynnwys data sy'n cael ei drosglwyddo, storio neu ei brosesu mewn unrhyw ffordd, o'i ddinistrio, golli neu newid ar ddamwain neu yn anghyfreithlon, ac o unrhyw fynediad neu ddatguddiad anawdurdodedig. Mae'r mesurau hyn yn cynnwys diogelwch cyfrifiadurol a ffeiliau a chyfleusterau wedi'u diogelu.

## **Cytundeb Ysgol Gartref**

Prif ddiben Ysgol Croes Atti yw creu awyrgylch sensitif, gofalus a hapus lle bydd pob plentyn yn cael ei werthfawrogi. Mae Cytundeb Ysgol Cartref gan yr ysgol a disgwylir i bob rhiant a disgybl dderbyn ac arwyddo'r ddogfen hon. Mae'n amlinellu'r hyn rydym fel ysgol yn ymroi tuag ato, ac yn nodi ein disgwyliadau o'r rhieni a'r plant. Nod y cytundeb yw sicrhau fod pob plentyn yn derbyn yr addysg a'r gefnogaeth orau bosibl.

# Ysgol Croes Atti

## Cytundeb Ysgol - Cartref

Enw'r Disgybl: .....

### Cytundeb yr Ysgol:

Bydd yr ysgol yn:

- Gofalu am ddiogelwch a hapusrwydd eich plentyn.
- Annog eich plentyn i wneud ei (g)orau bob amser ac ymhob agwedd o fywyd yr ysgol.
- Annog eich plentyn i ofalu am ei amgylchedd ac i fod yn ystyriol o eraill.
- Darparu cwricwlwm cytbwys ar gyfer anghenion pob unigolyn.
- Annog eich plentyn i siarad Cymraeg mor aml ag sydd bosib.
- Rhoi gwybodaeth i rieni am faterion cyffredinol yr ysgol.
- Cyflwyno adroddiad ysgrifenedig blynyddol am bob plentyn a threfnu noson rieni ddwywaith y flwyddyn.
- Rhoi cyfle i chwi gyfrannu i fywyd yr ysgol.

### Cytundeb Rhieni:

Ceisiaf / Ceisiwn:

- Sicrhau fod fy/ein plentyn yn mynychu'r ysgol yn gyson, yn brydlon a chanddo/chanddi y cyfarpar angenrheidiol ar gyfer ei (g)waith ysgol, a byddwn yn rhoi eglurhad i'r ysgol ar unwaith am unrhyw absenoldeb.
- Hysbysu'r ysgol os bydd unrhyw broblem a allai effeithio ar waith ysgol neu ymddygiad ein plentyn/plant.
- Sicrhau bod ein plentyn/plant yn defnyddio'u Cymraeg ar bob cyfle, boed yn yr ysgol neu yn gymdeithasol.
- Ei gefnogi/chefnogi gyda holl agweddau gwaith cartref.
- Mynychu nosweithiau rhieni a phob cyfle i drafod datblygiad ein plentyn/plant.
- Cefnogi polisiau'r ysgol a chanllawiau ymddygiad.
- Ddod i wybod am fywyd ein plentyn / plant yn yr ysgol.

### Cytundeb Disgybl:

Ceisiaf:

- Ddod i'r ysgol bob dydd ac yn brydlon.
- Ddod â phopeth fyddaf ei angen at waith y dydd a gofalu amdanynt.
- Wneud fy ngorau gyda'm gwaith ysgol a gwaith cartref.
- Siarad yn Gymraeg mor aml ag sydd bosib er mwyn sicrhau fy mod yn tyfu i fod yn oedolyn gwbl ddwyieithog.
- Helpu eraill a bod yn gwrtais.
- Gofalu am fuddiannau'r ysgol.
- Parchu fy nghyd-ddisgyblion ac oedolion.

Llofnod Athro/athrawes .....

Llofnod Rhiant .....

Llofnod Disgybl: .....

## Cychwyn Ysgol

Bydd yr ysgol yn ail-gychwyn ar Ddydd Mawrth Medi'r 4ydd.

## Canlyniadau 2017-2018

Y Cyfnod Sylfaen Blwyddyn 2 Cyrraedd Deilliant 5 neu uwch

Cymraeg	90.2%
Mathemateg	90.2%
Personol a Cymdeithasol	97.6%

Cyfnod Allweddol 2 Blwyddyn 6 Cyrraedd Lefel 4 neu uwch

Cymraeg	94.1%
Mathemateg	100%
Saesneg	88.2%
Gwyddoniaeth	94.1%